



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**Broj: A-I-ZSPI-3/20**

**Datum: 24.01.2020.g.**

Tužilaštvo – Tužiteljstvo BiH, na osnovu člana 14., stav 3., u vezi sa članom 6., stav 1., tačka c) Zakona o slobodi pristupa informacijama u Bosni i Hercegovini (Službeni glasnik BiH broj: 28/00, 45/06, 102/09, 62/11 i 100/13), te člana 6. Pravilnika o postupanju po zahtjevima za pristup informacijama u Tužilaštvu – Tužiteljstvu Bosne i Hercegovine, u predmetu po zahtjevu podnosioca Udruženje za borbu protiv korupcije Transparency International u BiH po Korajlić Ivani, donosi

**RJEŠENJE**

**Odbija se pristup informacijama po zahtjevu podnosioca.**


**O b r a z l o ž e n j e**

Zahtjev za pristup informacijama podnosioca, zaprimljen je u Tužilaštvu – Tužiteljstvu Bosne i Hercegovine dana 09.01.2020. godine. Predmetnim zahtjevom podnosilac je zatražio pristup informaciji odnosno kopiju optužnice protiv određenog fizičkog lica.

Predmetni zahtjev za pristup informacijama odbija se na osnovu člana 6, stav 1, tačka c) Zakona o slobodi pristupa informacijama u BiH. Izuzeci od prava na pristup informacijama predviđeni su članom 6 Zakona o slobodi pristupa informacijama u BiH, i to kada nadležni organ, u vezi sa funkcijom koju obavlja, osnovano može očekivati izazivanje značajne štete po legitimne ciljeve, koji obuhvataju i sprečavanje kriminala ili svako otkrivanje kriminala.

Potrebno je naglasiti da član 11., stav 2. Zakona o Tužilaštvu Bosne i Hercegovine (Službeni glasnik Bosne i Hercegovine broj: 24/02, 3/03, 37/03, 42/03, 9/04, 35/04, 61/04, 49/09, 97/09) predviđa da, u granicama i u skladu sa interesima postupka, Tužilaštvo može obavještavati javnost i zainteresovana lica i o pojedinim predmetima u kojima postupa, što Tužilaštvo BiH redovno čini, objavljivanjem saopštenja na službenoj web stranici. Ovakav pristup informacijama ima za cilj da omogući da javnost, mnogo šira od javnosti koja prisustvuje suđenjima, dobije saznanja o kriminalitetu i o pojedinim krivičnim postupcima. Direktna uvid u informacije u posjedu pravosudnih institucija stoga, ostvaruje se uvidom u; odnosno, putem web stranice pravosudnih institucija.

Zakonom o krivičnom postupku Bosne i Hercegovine propisana je javnost glavnog pretresa u članu 234. što znači da raspravljanju pred sudom mogu prisustvovati punoljetne osobe. Opšta javnost odnosi se na punoljetne osobe koje nisu neposredno zainteresovane za ishod krivičnog postupka, te prisustvo glavnom pretresu predstavlja direktna uvid u informacije u posjedu pravosudnih institucija.



U konkretnom slučaju neophodno je posebno istaći da je odredbom člana 228. stav 4. Zakona o krivičnom postupku Bosne i Hercegovine propisano da se optužnica nakon potvrđivanja dostavlja optuženom i njegovom braniocu, dakle, zakonom nije predviđena mogućnost dostavljanja optužnog akta drugim licima.

Konačno, u postupcima po podnesenim zahtjevima za pristup informacijama, primjenjuju se i odredbe Zakona o zaštiti ličnih podataka. Naime, odredbom člana 54. Zakona o zaštiti ličnih podataka propisano je da će se odredbe Zakona uzeti u obzir prilikom primjene Zakona o slobodi pristupa informacijama u BiH. Navedenim Zakonom propisano je i da kontrolor podataka nije dužan pružiti informacije o obradi ličnih podataka niti omogućiti pristup ličnim podacima ako bi se time mogla nanijeti značajna šteta legitimnim interesima preventive, istraga, otkrivanja krivičnih djela i gonjenja izvršilaca, te povrede etičkih pravila profesije. Svaki javni organ kao kontrolor podataka, obrađuje podatke i utvrđuje svrhu i način obrade ličnih podataka na osnovu zakona ili propisa i obavezan je podatke obrađivati na pravičan i zakonit način. Kontrolor podataka ne obrađuje podatke na bilo koji način koji nije u skladu sa tom svrhom. Potrebno je posebno ukazati na to da je, generalno, princip obrade podataka u periodu neophodnom za ispunjenje svrhe zbog koje su prikupljeni svakako posebno relevantan za identifikaciju pojedinaca uključenih u sudske postupke te kontrolor podataka može obrađivati podatke samo u mjeri i u obimu koji je neophodan za ispunjenje određene svrhe. Zakon o zaštiti ličnih podataka je opšti propis i njegovi principi moraju se posmatrati u kontestu zakona koji je mjerodavan za oblast primjene – Zakona o krivičnom postupku Bosne i Hercegovine. Generalno, isključiva svrha obrade podataka koje vrši određena pravosudna institucija jeste omogućavanje vođenja krivičnog postupka.

Imajući navedeno u vidu, izvršen je uvid u evidenciju Tužilaštva – Tužiteljstva BiH. Utvrđeno je da se tražena informacija odnosi na konkretan krivični predmet i kao takva se ima tretirati na poseban način a u skladu sa odredbama Zakona o krivičnom postupku Bosne i Hercegovine.

Na osnovu utvrđenih činjenica ocijenjeno je opravdanim utvrđivanje izuzetka od dostupnosti traženih informacija i na osnovu člana 6, stav 1, tačka c) Zakona o slobodi pristupa informacijama u BiH, u vezi sa funkcijom Tužilaštva – Tužiteljstva BiH, kao organa nadležnog za provođenje istraga i gonjenje počinilaca krivičnih djela.


Nakon obavljenog ispitivanja javnog interesa u smislu člana 9 Zakona o slobodi pristupa informacijama u BiH, utvrđeno je da objavljivanje traženih informacija nije od javnog interesa.

Na osnovu navedenog, odlučeno je kao u izreci rješenja.

**Pouka o pravnom lijeku:**

*Protiv ovog rješenja može se izjaviti žalba glavnom tužiocu Tužilaštva – Tužiteljstva Bosne i Hercegovine, u roku od 15 dana od dana prijema a podnosilac zahtjeva može se obratiti i Instituciji ombudsmena za ljudska prava Bosne i Hercegovine.*

Rukovodilac Ureda registrara  
Tužilaštva – Tužiteljstva BiH  
Registar Tužilaštva – Tužiteljstva BiH  
Službenik za informisanje



Dubravka Piotrowski Mr. Sc.